

არასამეწარმეო (არაკომერციული) იურიდიული პირი “ამბროლაურის მუნიციპალიტეტის საფეხბურთო კლუბი რაჭა“-ს

წესდება

მუხლი 1. ზოგადი დებულებები

- 1.1. არასამეწარმეო (არაკომერციული) იურიდიული პირი “ამბროლაურის მუნიციპალიტეტის საფეხბურთო კლუბი რაჭა“ (შემდგომში - “კლუბი”) არის კერძო სამართლის არასამეწარმეო (არაკომერციული) იურიდიული პირი, რომელიც შექმნილია საქართველოს ორგანული კანონის “ადგილობრივი თვითმმართველობის კოდექსის” საფუძველზე.
- 1.2. კლუბის დამფუძნებელია ამბროლაურის მუნიციპალიტეტი (ს/კ 222938490).

მუხლი 2. სახელწოდება, იურიდიული მისამართი და სტატუსი

- 2.1. კლუბი ხელმძღვანელობს საქართველოს ორგანული კანონით “ადგილობრივი თვითმმართველობის კოდექსი“-თ, საქართველოს სამოქალაქო კოდექსი“-თ, ამ წესდებით და მოქმედი კანონმდებლობის შესაბამისად.
- 2.2. კლუბის სრული სახელწოდებაა - არასამეწარმეო (არაკომერციული) იურიდიული პირი “ამბროლაურის მუნიციპალიტეტის საფეხბურთო კლუბი რაჭა“.
- 2.3. კლუბის იურიდიული მისამართი: ამბროლაურის მუნიციპალიტეტი სოფ. ხიდიკარი.
- 2.4. კლუბს გააჩნია იურიდიული პირის ყველა ატრიბუტი, ბეჭედი, დამოუკიდებელი ბალანსი, საბანკო ანგარიშები და სხვა.
- 2.5. კლუბის ელექტრონული მისამართია: ელ.ფოსტა ekobaxidze@gmail.com

მუხლი 3. კლუბის მიზნები

- 3.1. კლუბი იქმნება მუნიციპალიტეტში ჯანსაღი ცხოვრების წესის დამკვიდრების, ფეხბურთის პოპულარიზაციის და სპორტსმენთა აღზრდის მიზნით.
- 3.2. “ამბროლაურის მუნიციპალიტეტის საფეხბურთო კლუბი რაჭა“:
 - 3.2.1. ქმნის კლუბის წევრების სპორტული წვრთნის და დასვენებისათვის საჭირო პირობებს;
 - 3.2.2. მონაწილეობს ფეხბურთის ეროვნულ და სხვა ჩემპიონატებში;
 - 3.2.3. იწვევს მაღალკვალიფიციურ სპორტსმენებს სხვადასხვა ასაკობრივ ჯგუფებში სათამაშოდ;
 - 3.2.4. ამყარებს კონტაქტს ჩვენი და საზღვარგარეთული ქვეყნების სპორტულ კლუბებთან;
 - 3.2.5. მონაწილეობს იღებს სხვადასხვა პროგრამებში გრანტების მოსაპოვებლად;
 - 3.2.6. აწყობს კონცეფციებს, სემინარებს და დისკუსიებს სპორტულ თემაზე;
 - 3.2.7. ზრუნავს კლუბის წევრთა საზღვარგარეთის კლუბებში მისავლინებლად;
 - 3.2.8. ეწევა კანონით ნებადართულ სხვა საქმიანობას, რაც ემსახურება კლუბის განვითარებას.

მუხლი 4. კლუბის სტრუქტურა

- 4.1. კლუბს ხელმძღვანელობს დირექტორი, რომელსაც თანამდებობაზე ნიშნავს და ათავისუფლებს ამბროლაურის მუნიციპალიტეტის მერი.
- 4.2. კლუბის დირექტორი:
 - 4.2.1. „საქართველოს შრომის კოდექსი“-თ დადგენილი წესით კლუბის თანამშრომლებთან აფორმებს და წყვეტს შრომით ხელშეკრულებებს, იღებს გადაწყვეტილებებს კლუბის თანამშრომელთა წახალისებისა და დისციპლინური პასუხისმგებლობის შესახებ;

- 4.2.2. მუნიციპალიტეტის მერთან თანხმობით უფლებამოსილია შეიძინოს კლუბის ფუნქციონირებისათვის აუცილებელი ძირითადი ქონება;
- 4.2.3. დებს ხელშეკრულებებს ფიზიკურ და იურიდიულ პირებთან;
- 4.2.4. მუნიციპალიტეტის საკრებულოს წარუდგენს ანგარიშს გაწეული სამუშაოს შესახებ ამბროლაურის მუნიციპალიტეტის საკრებულოს რეგლამენტით დადგენილი წესით;
- 4.2.5. ახორციელებს კლუბის ფინანსური რესურსებისა და ქონების მართვას მისი უფლებამოსილების ფარგლებში. პასუხს აგებს მათ სწორად გამოყენებაზე;
- 4.2.6. ყოველი წლის ბოლოს ადგენს ანგარიშს კლუბის ქონებრივი მდგომარეობის შესახებ;
- 4.2.7. თავისი კომპეტენციის ფარგლებში გამოსცემს ინდივიდუალურ ადმინისტრაციულ-სამართლებრივ აქტებს (ბრძანებებს), განსაზღვრავს ცენტრის შრომით შინაგანაწესს და ახორციელებს სრულ ადმინისტრაციულ ფუნქციებს.
- 4.2.8. ამბროლაურის მუნიციპალიტეტის მერთან შეთანხმებით ამტკიცებს კლუბის საშტატო განრიგს და სტრუქტურას;
- 4.2.9. მინდობილობის გარეშე წარმოადგენს კლუბს ყველა ორგანიზაციაში, დაწესებულებაში და საწარმოში თავის საქმიანობასთან დაკავშირებულ საკითხებში; გასცემს მინდობილობებს;
- 4.2.10. მუნიციპალიტეტის მერს წარუდგენს წინადადებას კლუბის წესდებაში ცვლილებებისა და დამატებების შეტანის შესახებ;
- 4.2.11. წესდებით გათვალისწინებული მიზნების მისაღწევად უფლებამოსილია განახორციელოს სხვა საქმიანობა, რომელის არ არის აკრძალული კანონით;
- 4.2.12. ამბროლაურის მუნიციპალიტეტის მერთან შეთანხმებით ამტკიცებს კლუბის ბიუჯეტს;
- 4.2.13. ამბროლაურის მუნიციპალიტეტის მერს წარუდგენს ყოველწლიურ ანგარიშს გაწეული სამუშაოს შესახებ, საანგარიშო კვარტალის მომდევნო თვის 15 რიცხვამდე კვარტალურ ანგარიშს კლუბის საქმიანობის შესახებ.
- 4.3. კლუბის კონტროლს ახორციელებს ამბროლაურის მუნიციპალიტეტის მერი, მერიის შიდა აუდიტისა და ინსპექტირების სამსახურის მეშვეობით.

მუხლი 5. ცენტრის ქონება და ფინანსები

- 5.1. კლუბის ქონებრივი და ფინანსური წყაროებია:
- 5.1.1. საწევრო შემონატანები;
- 5.1.2. გრანტები;
- 5.1.3. შემოწირულობები;
- 5.1.4. ამბროლაურის მუნიციპალიტეტის ბიუჯეტიდან მიღებული სუბსიდიები;
- 5.1.5. კანონმდებლობით დადგენილი წესით მიღებული სხვა ქონებრივი და ფულადი სახსრები;
- 5.2. მიღებული სახსრები კლუბმა უნდა გამოიყენოს საწესდებო მიზნების მისაღწევად;
- 5.3. კლუბში შესაძლებელია მიღებული შემოსავლების საფუძველზე შეიქმნას სარეზერვო და სხვა დანიშნულების ფონდები;
- 5.4. არასამეწარმეო (არაკომერციული) იურიდიული პირი უფლებამოსილია ეწეოდეს დამხმარე ხასიათის სამეწარმეო საქმიანობას, რომლიდან მიღებული მოგებაც უნდა მოხმარდეს არასამეწარმეო (არაკომერციული) იურიდიული პირის მიზნების რეალიზებას. ასეთი საქმიანობის შედეგად მიღებული მოგების განაწილება არასამეწარმეო (არაკომერციული) იურიდიული პირის დამფუძნებელს, შემომწირველებს, აგრეთვე ხელმძღვანელობისა და წარმომადგენლობითი უფლებამოსილების მქონე პირებს შორის დაუშვებელია.
- 5.5. არასამეწარმეო (არაკომერციული) იურიდიული პირის საკუთრებაში არსებული ქონების გასხვისება შესაძლებელია, თუ გასხვისება ემსახურება არასამეწარმეო (არაკომერციული) იურიდიული პირის საქმიანობას, მის ორგანიზაციულ განვითარებას, ხელს უწყობს მისი მიზნების განხორციელებას ან ემსახურება საქველმოქმედო მიზნებს. ქონების გასხვისებას საჭიროების შემთხვევაში ახორციელებს შესაბამისი მუნიციპალიტეტის აღმასრულებელი ორგანო.

მუხლი 6. ლიკვიდაცია/რეორგანიზაცია

6.1. არასამეწარმეო (არაკომერციული) იურიდიული პირის რეორგანიზაცია/ლიკვიდაცია ხორციელდება საქართველოს კანონმდებლობით წესით, რაზედაც გადაწყვეტილებას იღებს ამბროლაურის მუნიციპალიტეტის მერი მუნიციპალიტეტის საკრებულოს თანხმობით.

6.2. ლიკვიდაციის დროს უნდა დასრულდეს მიმდინარე საქმეები, დადგინდეს მოთხოვნები, დარჩენილი ქონება გამოიხატოს ფულში, დაკმაყოფილდნენ კრედიტორები და დარჩენილი ქონება გაუნაწილდეს უფლებამოსილ პირებს.

6.3. დამფუძნებელთა გადაწყვეტილება საზოგადოების ლიკვიდაციის პროცესის დაწყების შესახებ უნდა დარეგისტრირდეს მეწარმეთა და არასამეწარმეო (არაკომერციული) იურიდიული პირების რეესტრში. ლიკვიდაციის პროცესი დაწყებულად ითვლება მისი რეგისტრაციის მომენტიდან.

6.4. ლიკვიდაციის შედეგად დარჩენილი ქონების მიღებაზე უფლებამოსილ პირებს განსაზღვრავენ არასამეწარმეო (არაკომერციული) იურიდიული პირის დამფუძნებლები. არასამეწარმეო (არაკომერციული) იურიდიული პირის ლიკვიდაციისას ქონების გასხვისება შესაძლებელია, თუ:

- ა) გასხვისება ხელს უწყობს მის მიერ დასახული მიზნების განხორციელებას;
- ბ) ემსახურება საქველმოქმედო მიზნებს;
- გ) ქონება გადაეცემა სხვა არასამეწარმეო (არაკომერციულ) იურიდიულ პირს.

6.5. აკრძალულია ლიკვიდაციის შედეგად დარჩენილი ქონების განაწილება არასამეწარმეო (არაკომერციული) იურიდიული პირის დამფუძნებლებს, წევრებს, ხელმძღვანელობისა და წარმომადგენლობითი უფლებამოსილების მქონე პირებს შორის.

6.6. თუ არასამეწარმეო (არაკომერციული) იურიდიული პირის დამფუძნებლებმა არ განსაზღვრეს ლიკვიდაციის შედეგად დარჩენილი ქონების მიღებაზე უფლებამოსილი პირი, სასამართლო არასამეწარმეო (არაკომერციული) იურიდიული პირის ლიკვიდაციის შედეგად დარჩენილ ქონებას გადასცემს შესაბამისად ერთ ან რამდენიმე არასამეწარმეო (არაკომერციულ) იურიდიულ პირს, რომლებსაც აქვთ იგივე ან მსგავსი მიზნები, როგორც ლიკვიდირებულ არასამეწარმეო (არაკომერციულ) იურიდიულ პირს. თუ ასეთი ორგანიზაციები არ არსებობს ან შეუძლებელია ასეთი ორგანიზაციების გამოვლენა, მაშინ შეიძლება მიღებულ იქნეს გადაწყვეტილება ამ ქონების სახელმწიფოსათვის გადაცემის შესახებ. სასამართლომ ქონება შეიძლება გაანაწილოს ლიკვიდაციის პროცესის დაწყების რეგისტრაციიდან 6 თვის შემდეგ.

6.7. ლიკვიდაციას ახორციელებს ხელმძღვანელობის უფლებამოსილების მქონე პირი (პირები) ან კანონით დადგენილი წესით დანიშნული ლიკვიდატორი. ლიკვიდატორი პასუხს აგებს, როგორც ხელმძღვანელობისა და წარმომადგენლობითი უფლებამოსილების მქონე პირი.

მუხლი 7. დასკვნითი დებულებები

7.1. თუ ამ წესდების რომელიმე დებულება ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე.

7.2. ამ წესდებასა და საქართველოს მოქმედ კანონმდებლობას შორის არსებული შეუსაბამობის შემთხვევაში მოქმედებს კანონი.

ამბროლაურის მუნიციპალიტეტის მერი

ზვიადი მხეიძე